

Leabhrán Faisnéise d'Iarratasóirí

Léitear seo go cúramach

Ionchúisitheoir in Oifig an Stiúrthóra Ionchúiseamh Poiblí

Tá Oifig an Stiúrthóra Ionchúiseamh Poiblí tiomanta do bheartas comhdheiseanna.

Déanfaidh Oifig an Stiúrthóra Ionchúiseamh Poiblí an comórtas seo a reáchtáil i gcomhréir leis an gCód Cleachtais um Cheapacháin do Phoist sa Státseirbhís agus sa tSeirbhís Phoiblí arna fhoilsiú ag an gCoimisiún um Cheapacháin Seirbhíse Poiblí (CCSP).

Tá na cóid chleachtais foilsithe ag CCSP agus tá siad ar fáil ag www.cpsa.ie

Spríoc-am agus spríocdháta: 3:30 p.m. Dé hAoine an 2^ú Iúil 2021

DÉAN TEAGMHÁIL LE: HR.Mailbox@dppireland.ie

**Oifig an Stiúrthóra Ionchúiseamh Poiblí, Bóthar
na hOtharlainne, Baile Átha Cliath 7**

www.dppireland.ie

CLÁR ÁBHAIR

Leathanach

An Ról	3
Bunriachtanais Iontrála	4
Incháilitheacht don Chomórtas	4
Príomhchoinníollacha Seirbhíse	6
Próiseas an Chomórtais	12
Cearta Iarratasóirí	17
Oibleagáidí na nIarratasóirí	17
Na hAchtanna um Chosaint Sonraí	18
Aguisín 1 Inniúlachtaí agus Ráiteas Pearsanta	19

Ionchúisitheoir

poist in Oifig an Stiúrthóra Ionchúiseamh Poiblí

Ó am go ham d'fhéadfadh dlíodóirí a bheith ag teastáil ó Oifig an Stiúrthóra Ionchúiseamh Poiblí chun poist a líonadh san Oifig. D'fhéadfadh na folúntais sin a bheith ina bhfolúntais bhuana nó shealadacha. Tá sé de rún ag an Oifig painéal ionchúisitheoirí a dhréachtú a bheidh bailí le haghaidh thréimhse 18 mí agus déanfaidh sí daoine a tharraingt as an bpainéal sin de réir mar is gá.

Cúlra

Bunaíodh Oifig an Stiúrthóra Ionchúiseamh Poiblí leis an Acht um Ionchúiseamh i gCionta, 1974. Tá an Stiúrthóir neamhspleách maidir le feidhmiú na bhfeidhmeanna dá cuid.

Forfheidhmíonn an Stiúrthóir an dlí sna cúirteanna ar son Mhuintir na hÉireann, stiúran agus déanann sí maoirseacht ar ionchúisimh phoiblí ar dtóil sna cúirteanna agus tugann sí treoir ghinearálta agus comhairle don Gharda Síochána maidir le cásanna achoimre mar aon le treoir shainiúil ina leithéid de chásanna nuair a iarrtar sin.

Tá trí rannóg dlí in Oifig an Stiúrthóra Ionchúiseamh Poiblí.

- Tá an Rannóg Stiúrtha freagrach as stiúradh foriomlán imeachtaí coiriúla tromchúiseacha. Áirítear leis sin an cinneadh a dhéanamh maidir le cé acu ar cheart nó nár cheart duine a ionchúiseamh agus an cion atá i gceist, aon chinneadh a dhéanamh maidir le himeachtaí a tharraingt siar nó chun pléadálacha a ghlacadh maidir le cionta nach bhfuil chomh tromchúiseach, agus achomhairc a thionscnamh maidir le pointí dlí nó athbhreithnithe a iarraidh ar bhreitheanna ró-bhoga.
- Tá Rannóg na nDlíodóirí freagrach as an tseirbhís dlíodóirí a sholáthar i mBaile Átha Cliath don Stiúrthóir. Áirítear leis sin ullmhú ginearálta cásanna indíotáilte, lena n-áirítear leabhair na fianaise a ullmhú, abhcóidí a threorú agus freastal orthu ag an éisteacht, ionchúisimh achoimre a fheidhmiú agus cásanna Athbhreithnithe Bhreithiúnaigh uile a fheidhmiú ar son an Stiúrthóra.
- Tá an Rannóg Um Thacaíocht Ionchúisimh freagrach as straitéisí bainistíochta eolais, as freagairtí beartais a fhorbairt ar raon de shaincheisteanna a eascraíonn ar bhonn náisiúnta agus idirnáisiúnta, freagairtí a cheapadh de réir mar is gá ar reachtaíocht náisiúnta agus AE, deimhin a dhéanamh de go gcuirtear cearta íospartach chun feidhme a eascraíonn ó Threoir ón AE um Íospartaigh agus ó reachtaíocht náisiúnta agus as obair atá ina toradh ar chomhar idirnáisiúnta agus ar chabhair fhrithpháirteach in ionchúisimh.

An Ról

Cé go ndéanfar ceapachán i dtosach chuig ceann de na Rannáin dhlíthiúla, is é an beartas laistigh den Oifig gur féidir baill foirne a aistriú laistigh agus idir Rannáin chun freastal ar riachtanais oibríochta.

Sa Rannán Stiúrtha, déanfaidh Ionchúisitheoirí ualach cásanna pearsanta a bhainistiú. Tá an obair sa Rannán Stiúrtha dírithe go príomha ar cheart ionchúiseamh a thionscnamh agus más ea, cad iad na cúisimh ba cheart a roghnú. Beidh ionchúisitheoirí freagrach freisin as treoracha a thabhairt go ginearálta maidir le hionchúisimh a dhéanamh.

I Rannán na n-Aturnaetha, beidh ar Ionchúisitheoirí ualach cásanna pearsanta a bhainistiú agus beidh siad

díríte ar sheirbhís a sholáthar don Stiúrthóir i ngach ionchúiseamh i gCeantar Cathrach Bhaile Átha Cliath, sa Chúirt Chuarda, i gCúirteanna Coiriúla Lárnacha agus Speisialta agus sa Chúirt Achomhairc agus ar dhéileáil le Breithiúna Athbhreithniú a dhéanamh ar ábhair a éiríonn as ionchúisimh.

Sa Rannán Seirbhísí Tacaíochta Ionchúisimh, bainisteoidh Ionchúisitheoirí ualach cásanna pearsanta a mbeidh a gcomhdhéanamh ag brath ar cén réimse den Rannán a shanntar dóibh.

Ní mór go mbeadh eolas agus tuiscint mhionsonraithe ag ionchúisitheoirí ar an dlí coiriúil, go háirithe maidir leis na saincheistanna dlí a mbíonn tionchar acu ar chomhlíonadh na feidhme ionchúisimh. Tá ionchúisitheoirí freagrach as bainistíocht éifeachtach a dhéanamh ar a n-ualach cásanna féin agus as obair ardchaighdeán a sholáthar, ag cur caighdeán arda cruinnis, eitice agus ionracais i bhfeidhm.

Toisc gurb é ionchúiseamh na coireachta príomhghnó na hOifige, beidh teagmháil éigin ag gach lonchúisitheoir atá fostaithe ag an Oifig le comhaid ionchúisimh, a bhféadfadh ábhar a bheith ann a chuirfidh inní ar dhaoine áirithe.

Bunriachtanais

Ní mór don iarratasóir rathúil, faoin 02 Iúil 2021 nó roimhe, a bheith cláraithe mar Aturnae sa Stát nó glaoite chun an Bharra.

Ní mór go mbeadh eolas agus tuiscint mhionsonraithe ag iarratasóirí ar an dlí coiriúil, go háirithe maidir leis na saincheistanna dlí a mbíonn tionchar acu ar chomhlíonadh na feidhme ionchúisimh. Beifear ag súil freisin go dtaispeánfaidh iarratasóirí go bhfuil leibhéal ard inniúlachta acu i ngach ceann de na hinniúlachtaí atá liostaithe in Aguisín 1.

Riachtanais Inmhianaithe

Taithí roimhe seo ar leibhéal gairmiúil, go háirithe sa dlí coiriúil.

Incháilitheacht chun dul in Iomaíocht agus Sriantha Áirithe

ar Cheanglais Incháilitheachta maidir le Saoránacht

Ní mór go mbainfeadh an méid a leanas le hlarratasóirí Incháilithe:

- (a) Tá sé nó sí ina s(h)aoránach den Limistéir Eorpach Eacnamaíoch. Cuimsítear leis an LEE Ballstáit den Aontas Eorpach mar aon leis an Íoslainn, Lichtinstéin agus an Iorua; nó
- (b) Tá sé nó sí ina s(h)aoránach den Ríocht Aontaithe (RA); nó
- (c) Tá sé nó sí ina s(h)aoránach de chuid na hEilvéise de bhun an chomhaontaithe idir an tAontas agus an Eilvéis maidir le saorghluaiseacht daoine; nó
- (d) Tá sé nó sí ina s(h)aoránach de thíortha nach tíortha den LEE iad atá ina chéile nó ina leanbh de shaoránach LEE nó Eilvéiseach agus a bhfuil víosa stampa 4 aige nó aici; nó
- (e) Tá sé nó sí ina d(h)uine ar ar dámhadh cosaint idirnáisiúnta faoin Acht um Chosaint Idirnáisiúnta 2015 nó aon bhall teaghlaigh atá i dteideal fanacht sa Stát mar thoradh ar athaontú teaghlaigh agus a bhfuil víosa stampa 4 aige nó aici nó
- (f) Saoránach nach saoránach de thír LEE é nó í atá ina t(h)uismitheoir ar leanbh cleithiúnach atá ina shaoránach de bhallstát LEE ina bhallstát nó den Eilvéis agus a bhfuil víosa stampa 4 aige nó aici

Le cáiliú ní mór d'iarratasóirí ceann de na critéir saoránachta thuas a chomhlíonadh faoi dháta aon tairiscint poist.

Comhaontú Comhchoiteann: Íocaíochtaí Iomarcaíochta le Fostaithe sa tSeirbhís Phoiblí

Leis an litir ón Roinn Caiteachais Phoiblí agus Athchóirithe dar dáta an 28 Meitheamh 2012 chuig Oifigigh Pearsanra tugadh isteach Comhaontú Comhchoiteann, le héifeacht ón 1 Meitheamh 2012, a bhí comhaontaithe idir an Roinn Caiteachais Phoiblí agus Athchóirithe agus Coiste Seirbhísí Poiblí Chomhdháil na gCeardchumann

(ICTU) maidir le hÍocaíochtaí Iomarcaíochta ex-gratia le Fostaithe sa tSeirbhís Phoiblí. Is coinníoll é den Chomhaontú Comhchoiteann nach mbeidh daoine a bhaineann leas as an gcomhaontú cáilithe le haghaidh athfhostaithe sa tSeirbhís Phoiblí ag aon chomhlacht den tSeirbhís Phoiblí (de réir mar atá sainithe ag na hAchtanna um Beartais Airgeadais Éigeandála ar Mhaithe le Leas an Phobail 2009 – 2011) le haghaidh thréimhse 2 bhliain ó

fhoirceannadh na fostaíochta. Ina dhiaidh sin beidh toiliú an Aire Caiteachais Phoiblí agus Athchóirithe ag teastáil sula ndéanfar é nó í a athfhostú. Beidh ar dhaoine a bhain leas as an scéim sin agus a d'fhéadfadh a bheith rathúil sa chomórtas seo a gcáilitheacht a chruthú (dul in éag thréimhse na neamh-cháilitheachta) agus caithfeadh toiliú an Aire a fháil sula bhfostóidh aon chomhlacht Seirbhíse Poiblí é.

An Scéim Dhreasaithe um Luathscor (SDLS):

Is coinníoll é den Scéim Dhreasaithe um Luathscor (SDLS) de réir mar atá leagtha amach in Imlitir 12/09 ón Roinn Airgeadais nach bhfuil daoine ar scor cáilithe, faoin Scéim sin, cur isteach ar phost eile san fhostaíocht chéanna nó san earnáil chéanna. Dá bhrí sin, ní féidir le daoine ar scor dá leithéid cur isteach ar an bpost seo.

Imlitir ón Roinn Sláinte agus Leanáí (7/2010):

Le hImlitir 7/2010 ón Roinn Sláinte dár dáta an 1 Samhain 2010 tugadh isteach Scéim Sprioctha um Luathscor Deonach (LSD) agus Scéimeanna um Luathscor Deonach (SLSD). Is coinníoll é den scéim LSD nach mbeidh daoine a bhaineann leas as an scéim cáilithe le haghaidh athfhostaithe in earnáil na sláinte poiblí nó sa tSeirbhís Phoiblí níos leithne nó i gcomhlacht atá maoinithe ina iomláine nó go príomhúil ó chistí poiblí. Tá an toirmeasc céanna ar athfhostaíocht i bhfeidhm faoin SLSD, ach amháin go maireann an toirmeasc ar feadh tréimhse 7 mbliana, agus ina dhiaidh sin beidh cead ón Aire Caiteachais agus Athchóirithe Poiblí ag teastáil ó aon athfhostaíocht. Níl daoine a bhain leas as ceachtar den dá scéim sin incháilithe chun dul in iomaíocht sa chomórtas seo.

An Roinn Comhshaoil, Pobail agus Rialtais Áitiúil (Imlitir LG(P) 06/2013)

Le hImlitir LG(P) 06/2013 ón Roinn Comhshaoil, Pobail agus Rialtais Áitiúil tugadh isteach Scéim um Luathscor Deonach d'Údarás Áitiúla. I gcomhréir le téarmaí an *Chomhaontaithe Chomhchoitinn: Íocaíochtaí Iomarcaíochta le Fostaithe sa tSeirbhís Phoiblí* dar dáta an 28 Meitheamh 2012 mar atá sonraithe thuas, is coinníoll sainiúil é den Scéim LSD sin nach mbeidh daoine cáilithe le haghaidh athfhostaithe in aon Chomhlacht na Seirbhíse Poiblí [de réir mar atá sainithe ag na hAchtanna um Beartais Airgeadais Éigeandála ar Mhaithe le Leas an Phobail 2009 – 2011 agus ag an Acht um Pinsin na Seirbhíse Poiblí (Scéim Aonair agus Forálacha Eile) 2012] le haghaidh thréimhse 2 bhliain ó dháta a n-imeachta faoin Scéim sin. Ina dhiaidh sin beidh toiliú an Aire Caiteachais Phoiblí agus Athchóirithe ag teastáil sula ndéanfar é nó í a athfhostú. Tá na coinníollacha sin infheidhme freisin i gcás rannpháirtíochta/fostaíochta ar bhonn conradh le haghaidh seirbhísí (mar chonraitheoir nó mar fhostaí conraitheora).

Dearbhú:

Beidh ar iarratasóirí dearbhú a dhéanamh cé acu ar bhain nó nár bhain siad leas as scéim na Seirbhíse Poiblí um luathscor dreasaithe. Beidh ar iarratasóirí freisin aon teidlíochtaí a admháil maidir le sochar pinsin na Seirbhíse Poiblí (atá á íoc nó atá reoite) ó fhostaíocht ar bith eile sa tSeirbhís Phoiblí nó nuair a fuair siad íocaíocht in ionad maidir le seirbhís i bhfostaíocht ar bith na Seirbhíse Poiblí.

Príomhchoinníollacha
Seirbhíse
Ionchúisitheoir

Gineará
lta

Tá an ceapachán faoi réir ag Achtanna Rialaithe na Státseirbhíse 1956 go 2005, ag an Acht um Bainistíocht na Seirbhíse Poiblí (Earcaíocht agus Ceapacháin) 2004 agus ag aon Acht eile atá i bhfeidhm faoi láthair a bhaineann leis an Státseirbhíse.

Pá

Seo a leanas tuarastal an phoist;

Scála Pá RPP (Ranníocaíocht Phearsanta Pinsin) le héifeacht ón 1^ú Deireadh Fómhair 2020:

€33,370	€35,885	€36,606	€39,755	€43,785	€46,862	€49,927	€53,010
€56,086	€59,145	€69,012	€71,507	€73,988	€76,477	€78,959	€80,392
€82,899 (LSI1)	€85,415 (LSI2)						

Beidh an ráta sin infheidhme nuair is státseirbhíseach nó fostaí sa tseirbhís phoiblí an ceapaí a ceapadh an 6^ú Aibreán 1995 nó tar éis sin agus nuair a éilítear air/uirthi ranníocaíocht le pinsean pearsanta a íoc.

Beidh ráta éagsúil infheidhme nuair is státseirbhíseach nó fostaí sa tseirbhís phoiblí an ceapaí a earcaíodh roimh an 6^ú Aibreán 1995 agus nuair

nach n-éilítear air/uirthi Ranníocaíocht le Pinsean Pearsanta a íoc.

D'fhéadfadh incrimintí fadseirbhíse a bheith iníoctha tar éis 3 bliana (LSI1) agus 6 bliana (LSI2) de sheirbhís shásúil ag uasmhéid an scála.

Nóta Tábhachtach

Cé go mbeidh an pointe iontrála tuarastail go hiondúil ar an gcuid is ísle den scála, d'fhéadfadh go mbeadh pá agus coinníollacha éagsúla i bhfeidhm faoi réir nósanna imeachta beartais pá an Rialtais. Chun críche na hiomaíochta seo, féadfar coinne a thairiscint d'iarratasóirí suas go Pointe 7, i.e. €49,927 de rogha an Stiúrthóra Ionchúiseamh Poiblí lena gcuirfear san áireamh taithí na n-iarratasóirí tar éis cáilíochta.

Ba chóir d'iarratasóirí a thabhairt faoi deara go bhféadfadh téarmaí agus coinníollacha éagsúla a bheith i bhfeidhm más rud é, go díreach roimh an gceapachán, gur státseirbhíseach nó seirbhíseach poiblí an ceapaí.

D'fhéadfadh incrimintí a bheith iníoctha ar aon dul le Beartas reatha an Rialtais faoi réir ag feidhmíocht shásúil.

Comhaontóidh tú go ndéanfaidh tú aon ró-íocaíocht tuarastail, liúntas, nó speansas a aisíoc i gcomhréir le hImltír 07/2018: Aisghabháil Ró-íocaíochtaí Tuarastail, Liúntas, agus Speansas arna n-íoc le Baill Foirne/Iar-bhaill Foirne/Pinsinéirí.

Tionacht agus Promhadh

Féadfaidh an ceapachán a bheith i bpost buan nó sealadach ar chonradh promhaidh sa Státseirbhís.

Mairfidh an conradh promhaidh le haghaidh post buan tréimhse bliana amháin ón dáta a shonraítear ar an gconradh. Mairfidh an conradh promhaidh do phost sealadach ar feadh tréimhse a shonraítear sa chonradh. D'ainneoin na míre seo agus na míre díreach ina dhiaidh seo, ní choiscfidh sé sin síneadh ar an gconradh

promhaidh in imthosca iomchuí.

Cuirfear painéal le chéile tar éis an chomórtais seo óna bhféadfaí aon fholúntais mar Aturnae an Ionchúisimh a tharlaíonn laistigh de thréimhse 18 mí ó chur le chéile an phainéil a líonadh. Ní bhreithneofar iarratasóirí dá dtairgeadh post cheana féin (seachas post sealadach) ón gcomórtas seo le haghaidh folúntas amach anseo. Breithneofar iarratasóirí fós dá dtairgeadh post sealadach ón bhfeachtas seo maidir le poist bhuna amach anseo.

Le linn thréimhse do chonartha promhaidh, beidh d'fheidhmíocht faoi réir athbhreithnithe ag do mhaoirseoir(i) leis an méid a leanas a dhéanamh amach:

- (i) Tar éis feidhmiú ar bhealach sásúil,
- (ii) Tar éis a bheith sásúil in iompar ginearálta, agus
- (iii) Oiriúnach ó thaobh na sláinte de agus aird ar leith ar shaoire bhreitheachta.

Sula gcuirfear an conradh promhaidh i gcrích déanfar cinneadh i dtaobh an gcoinneofar tú nó nach gcoinneofar de bhun *Alt 5A(2) Na hAchtanna um Rialáil Státseirbhíse 1956 – 2005*. Beidh an cinneadh sin bunaithe ar d'fheidhmíocht a ndearnadh measúnú uirthi de réir na gcritéar atá leagtha amach in (i) go (iii) thuas. Míneoidh Oifig an Stiúrthóra Ionchúiseamh Poiblí mionsonraí an phróisis phromhaidh duit agus tabharfar cóip duit de threoirínte na Roinne Caiteachais Phoiblí agus Athchóirithe maidir le promhadh.

D'ainneoin na míreanna roimhe seo san alt seo, féadfaidh ceachtar taobh an conradh promhaidh a fhoirceannadh tráth ar bith sula rachaidh téarma an chonartha in éag de réir na nAchtanna um Fhógra Íosta agus Téarmaí Fostaíochta, 1973 go 2005.

In imthosca áirithe féadfar do chonradh a shíneadh agus do thréimhse phromhaidh a chur ar fionraí. Ní mór don dá pháirtí comhaontú ar an síneadh.

- Cuirtear an tréimhse phromhaidh ar fionraí nuair a bhíonn fostaí as láthair mar gheall ar Shaoire Mháithreachais nó Uchtála
- Maidir le fostaí atá as láthair ar Shaoire do Thuismitheoirí nó Saoire Cúramóra, féadfaidh an fostaí a cheangal go gcuirfear an promhadh ar fionraí mura meastar go bhfuil an neamhláithreacht ag teacht le leanúint den phromhadh
- Féadfar promhadh a chur ar fionraí i gcásanna amhail neamhláithreacht mar gheall ar bhreitheacht neamh-athfhillteach

Féadfaidh an fostaí, sna cúinsí sin, iarratas a dhéanamh chuig an bhfostóir ar shíneadh le tréimhse an chonartha.

Má bhí ceapaí a mhainníonn coinníollacha an phromhaidh a chomhlíonadh ina státseirbhíseach ar seirbhís díreach sular ceapadh é ón gcomórtas seo, is gnách go dtiocfaidh ceist na frithdhílse chun cinn. I gcás na frithdhílse, fillfidh oifigeach ar fholúntas ag an ngrád ar a raibh siad sa Roinn ina raibh siad.

Na hAchtanna um Dhífhostú Éagórach 1977 go 2005

Ní bheidh feidhm ag na hAchtanna um Dhífhostú Éagórach 1977-2005 maidir le foirceannadh na fostaíochta mar gheall ar dhul in éag an chonartha téarma shocraithe gan í a athnuachan.

Dualgais

Éileofar ar an oifigeach aon dualgais a chomhlíonadh atá iomchuí don phost a shannfar ó am go ham. Níl cead ag an oifigeach dul i mbun cleachtadh príobháideach nó baint a bheith aige/aici le haon ghnó seachtrach a chuirfeadh isteach ar fheidhmíocht na ndualgas oifigiúla nó a bheadh i gcoinbhleacht ar dhóigh ar bith leis an bpost ar a bhfuil an t-iarratasóir ceaptha.

Suíomh

Tá an Oifig i mBaile Átha Cliath. Nuair a bheidh sé/sí imithe ón mbaile agus ón gceanncheathrú ar dualgas oifigiúil íocfar costais taistil agus liúntais chothaithe iomchuí leis an gceapaí, faoi réir ag gnáthrialúcháin na státseirbhíse

Uaireanta Tinrimh

Déanfar uaireanta tinrimh a shocrú ó am go ham ach ní bheidh níos lú ná 43 huairé agus 15 nóiméad san áireamh leo ar an iomlán in aghaidh na seachtaine. Ceanglófar ar an iarratasóir rathúil cibé uaireanta breise a oibriú ó am go ham a bheidh réasúnach agus riachtanach chun a dhualgais a chomhlíonadh i gceart faoi réir na dteorainneacha atá leagtha síos sna rialacháin ama oibre. Clúdaíonn an ráta luach saothair iníoctha aon dliteanas tinrimh breise a d'fhéadfadh teacht chun cinn ó am go ham.

Saoire Bhliantúil

Beidh 25 lá san áireamh le lamháltas na saoire bliantúla, agus méadófar sin go 29 lá tar éis 5 bliana de sheirbhís agus suas go 30 lá tar éis 10 mbliana de sheirbhís. Tá an lamháltas sin, atá faoi réir ag gnáthchoinníollacha maidir le deonú saoire bliantúla, bunaithe ar sheachtain chúig lá agus níl na saoirí poiblí gnáthúla san áireamh leis.

Saoire Bhreiteachta

Beidh pá le linn saoire breiteachta arna deimhniú go ceart, ar an gcoinníoll nach bhfuil aon fhianaise ann ar éagumas buan le haghaidh seirbhíse, infheidhme ar bhonn pro rata, i gcomhréir le Rialacháin (Saoire Bhreiteachta) (IR 124 de 2014) maidir le Bainistíocht na Seirbhíse Poiblí, Bainistíocht na Seirbhíse Poiblí (Saoire Bhreiteachta) (Leasú) 2015 (IR 384 de 2015) agus aon imlitir ábhartha.

Éileofar ar oifigigh a bheidh ag íoc ráta Aicme A ÁSPC údarú a shíniú lena dtabharfar údarú don Roinn Coimirce Sóisialaí aon sochair a íoc atá dlite faoi na hAchtanna um Leas Sóisialta go díreach leis an Stiúrtóir Ionchúiseamh Poiblí. Beidh íocaíocht le linn breiteachta ag brath ar na héilimh riachtanacha a bheith déanta ag an oifigeach ar shochair árachais shóisialta chuig an Roinn Coimirce Sóisialaí laistigh de na teorainneacha ama riachtanacha.

Rúndacht agus Caighdeán Iompair

Rúndacht agus Macántacht Oifigiúil

Le linn théarma an chonartha phromhaidh, beidh oifigeach faoi réir ag forálacha an Achta um Rúin Oifigiúla, 1963, arna leasú ag na hAchtanna um Shaoráil Faisnéise 1997 agus 2003. Comhaontóidh an t-oifigeach gan aon fhaisnéis rúnda a nochtadh do thríú páirtithe le linn na tréimhse fostaíochta nó tar éis sin.

Cód na Státseirbhíse um Chaighdeán agus Iompar

Beidh an t-oifigeach faoi réir ag Cód na Státseirbhíse um Chaighdeán agus Iompar.

Na hAchtanna um Eitic in Oifigí Poiblí

Beidh na hAchtanna um Eitic in Oifigí Poiblí infheidhme, nuair is iomchuí, leis an bhfostaíocht seo.

Faomhadh roimh ré um fhoilseacháin

Comhaontóidh oifigeach gan ábhar a fhoilsiú a bhaineann lena c(h)uid dualgas oifigiúil gan fhaomhadh roimh ré ó Cheann na hOifige/na Roinne.

Gníomhaíocht Pholaitiúil

Le linn théarma na fostaíochta, beidh an t-oifigeach faoi réir ag na rialacha lena rialaítear státseirbhísigh agus polaitíocht.

Aoisliúntas agus Scor

Déanfar na téarmaí agus coinníollacha aoisliúntais iomchuí a thairiscint don iarratasóir rathúil atá i réim sa Státseirbhís nuair a thairgtear an ceapachán dó/dí. Go ginearálta, déanfar ceapachán do cheapaí nár oibrigh riamh sa tSeirbhís Phoiblí bunaithe ar bhallaíocht i Scéim Pinsín Aonair na Seirbhíse Poiblí (“An Scéim Aonair”). Tá sonraí iomlána na scéime ar fáil ag www.singlepensionscheme.gov.ie

Nuair a d’oibrigh an ceapaí i bpost inphinsín (nach mbaineann téarmaí na Scéime Aonair leis) sa tseirbhís phoiblí sna 26 seachtaine roimh an gceapachán nó nuair atá an ceapaí ar shos gairme nó ar shaoire speisialta faoi láthair le pá nó gan phá d’fhéadfadh téarmaí éagsúla a bheith infheidhme. Socrófar teidlíocht a leithéid de cheapaithe maidir le pinsean i gcomhthéacs stair a bhfostaíochta sa tseirbhís phoiblí.

Seo a leanas na príomhfhórlacha a bhaineann le ballraíocht sa scéim Aonair:

- Aois Inphinsín: Tá an aois íosta ag a bhfuil pinsean iníoctha mar an gcéanna leis an aois incháilitheachta don Phinsean Stáit, aois 66 bliana faoi láthair.
- Aois Scoir: Ní mór do bhaill na scéime dul ar scor nuair a bhaineann siad 70 bliain d’aois amach.
- Baintear úsáid as meántuilleamh gairmréime chun sochair a ríomh (fabhraítear pinsean agus méid cnapshuime gach bliain agus déantar a rátaí a ardú gach bliain trí thagairt don CPI [praghasinnéacs tomhaltóir]).
- Tá méaduithe ar phinsín tar éis scoir nasctha leis an bpraghasinnéacs tomhaltóirí

Laghdú Pinsín

- Má bhí an ceapaí fostaithe sa Státseirbhís nó sa tSeirbhís Phoiblí roimhe sin agus má tá pinsean á fháil aige/aici ón Státseirbhís nó ón tSeirbhís Phoiblí nó má chuirtear tús le híoc pinsín ón Státseirbhís nó ón tSeirbhís Phoiblí le linn a t(h)réimhse athfhostaíochta beidh an pinsean sin **faoi réir ag laghdú** i gcomhréir le hAlt 52 den Acht um Pinsín na Seirbhíse Poiblí (Scéim Aonair agus Forálacha Eile) 2012. **Tabhair faoi deara: Trí iarratas a chur isteach ar an bpost seo admhaíonn tú go dtuigeann tú go mbeidh feidhm ag na forálacha um laghdú pinsín, nuair atá siad ábhartha. Níl sé réamh-mheasta go dtacóidh an Roinn/Oifig is fostóir le hiarratas ar tharscaoileadh an laghdaithe maidir le ceapacháin ar an bpost seo.**
- Ach má bhí an ceapaí fostaithe roimhe sin sa Státseirbhís nó sa tSeirbhís Phoiblí, áfach, agus má dámhadh pinsean dó/dí faoi shocruithe luathscóir dheonaigh (seachas an Scéim Dhreasaithe um Luathscór (SDLS), Imlitir 7/2010 VER/VRS ón Roinn Sláinte, nó Imlitir LG(P) 06/2013 ón Roinn Comhshaoil, Pobail, agus Rialtais Áitiúil, a ndéantar duine neamhcháilithe don chomórtas faoi cheann ar bith acu) cuirfear deireadh leis an teidlíocht i leith an phinsín sin lé héifeacht ó dháta an athcheaptha. D’fhéadfaí socruithe speisialta a dhéanamh, áfach, chun seirbhís roimhe sin a thabhairt san áireamh arna tabhairt ag an gceapaí chun críocha aon dámhachtain aoisliúntais a bhféadfadh an ceapaí a bheith cáilithe ina leith.
- **Imlitir 102/2007 na Roinne Oideachais agus Scileanna maidir le Scéim um Luathscór do Mhúinteoirí** Thug an Roinn Oideachais agus Scileanna Scéim um Luathscór do Mhúinteoirí isteach. Is é coinníoll na Scéime Luathscóir, má ghlacann múinteoir le luathscór faoi Chodanna 1, 2 nó 3 den scéim sin, seachas i gcás na n-eisceachtaí atá leagtha amach i míreanna 10.2 agus mír 10.3 de dhoiciméid na n-implitreacha ábhartha, agus gan ach na heisceachtaí sin amháin ann, má ghlacann sé/sí le fostaíocht ina dhiaidh sin i gcáil ar bith i réimse ar bith den earnáil phoiblí, cuirfear deireadh láithreach le híoc pinsín don duine sin faoin scéim. Cuirfear tús le híocaíochtaí pinsín arís, áfach, nuair a chríochnaíonn a leithéid d’fhostaíocht nó ar 60ú breithlá an duine, cibé acu is

déanaí, ach nuair a chuirfear tús leis an bpinsean arís, beidh sé bunaithe ar sheirbhís ináirithe iarbhír an duine mar mhúinteoir (i.e. ní chuirfear na blianta breise arna ndeonú roimhe sin san áireamh maidir le ríomh na híocaíochta pinsin).

Scor ar Chúinsí Drochshláinte

Tabhair faoi deara go gceanglaítear ar aon duine a chuaigh ar scor roimhe sin ar chúinsí a bhain le drochshláinte faoi théarmaí scéim aoisliúntais a dhearbhu, ag céim tosaigh an iarratais, go bhfuil pinsean den sórt sin á fháil acu maidir leis an eagraíocht atá ag riaradh an chomórtais earcaíochta.

Ceanglófar ar iarrthóirí freastal ar oifig an phríomhoifigh leighis (POL) chun a gcumas a mheas maidir le seirbhís rialta agus éifeachtach a sholáthar, ag cur san áireamh an riocht a cháiligh iad le haghaidh scoir ar chúinsí drochshláinte.

Ceapachán tar éis scoir ar chúinsí drochshláinte ón Státseirbhís

Má éiríonn lena (h)iarratas sa chomórtas, ba chóir go mbeadh an t-iarrthóir ar an eolas faoi na rudaí a leanas:

1. Má mheastar go bhfuil sé nó sí oiriúnach chun seirbhís rialta éifeachtach a sholáthar agus post sannta dó nó di, scoirfear a bpinsean sa státseirbhís ar chúinsí drochshláinte.
2. Má mhainníonn an t-iarrthóirí promhadh a chur i gcrích ina dhiaidh sin nó má chinneann sé nó sí an post atá sannta dó nó di a fhágáil, ní féidir aon aisiompú a dhéanamh ar an stádas scoir sa státseirbhís, ar chúinsí drochshláinte ná ní féidir pinsean scoir ar chúinsí drochshláinte na státseirbhíse a athbhunú, ar ais chuig an cás mar a bhí roimh an iarratas ná níl teidlíocht ar a leithéid.
3. Tiocfaidh an t-iarrthóir chun bheith ina bhall den Scéim Pinsin Seirbhíse Poiblí Aonair (SPSPA) ar cheapachán má tá briseadh sa tseirbhís phoiblí/shibhialta inphinsin de níos mó ná 26 seachtain.

Tabhair faoi deara gur féidir teacht ar eolas níos mionsonraithe maidir le himpleachtaí a bhaineann leis an bpinsean dóibh siúd a bhfuil pinsean na státseirbhíse nó na seirbhíse poiblí ar chúinsí a bhaineann le drochshláinte [ag an nasc seo](#) nó arna iarraidh sin ar Oifig an Stiúrthóra Ionchúiseamh Poiblí.

Fabhrú Pinsin

Beidh teorainn 40 bliain infheidhme ar sheirbhís iomlán ar féidir í a chur san áireamh chun pinsean a ríomh nuair a bhí duine ina b(h)all i scéim phinsin na seirbhíse poiblí a bhí ann cheana (i.e. scéim nach raibh ina Scéim Aonair) i gcomhréir le hAcht 2012. Déantar foráil don teorainn 40 bliain sin san Acht um Pinsin na Seirbhíse Poiblí (Scéim Aonair agus Forálacha Eile) 2012. D'fhéadfadh impleachtaí a bheith ag baint leis sin do cheapaí ar bith a fuair cearta pinsin i bhfostaíocht roimhe sin sa tseirbhís phoiblí.

Ranníocaíocht Bhreise le hAoisliúntas

Tá an ceapachán seo faoi réir ag Ranníocaíocht Bhreise le hAoisliúntas (RBA) i gcomhréir leis an Acht um Pá agus Pinsin Seirbhíse Poiblí 2017. **Nóta;** Tá asbhaintí RBA sa bhreis ar aon ranníocaíochtaí pinsin (príomhscéim agus ranníocaíochtaí céilí agus leanaí) a éilítear faoi rialacha do scéime pinsin.

Le haghaidh tuilleadh faisnéise a fháil faoi Scéim Phinsin Aonair na Seirbhíse Poiblí féach an láithreán gréasáin a leanas: www.singlepensionscheme.gov.ie

Rúndacht agus Caighdeáin Iompar: Rúndacht agus Macántacht Oifigiúil:

Le linn théarma an chonartha phromhaidh, beidh oifigeach faoi réir ag forálacha an Achta um Rúin Oifigiúla, 1963, arna leasú ag na hAchtanna um Shaoráil Faisnéise 1997, 2003 agus 2014. Comhaontóidh an t-oifigeach gan aon fhaisnéis rúnda a nochtadh do thríú páirtithe le linn na tréimhse fostaíochta nó tar éis sin.

Cód na Státseirbhíse um Chaighdeáin agus Iompar:

Beidh an ceapachán faoi réir ag Cód na Státseirbhíse um Chaighdeáin agus Iompar.

Na hAchtanna um Eitic in Oifigí Poiblí:

Beidh na hAchtanna um Eitic in Oifigí Poiblí infheidhme, nuair is iomchuí, leis an gceapachán seo.

Faomhadh roimh ré um fhoilseacháin:

Comhaontóidh oifigeach gan ábhar a fhoilsiú a bhaineann lena c(h)uid dualgas oifigiúil gan fhaomhadh roimh ré ó Chathaoirleach an Údaráis nó ó oifigeach údaraithe iomchuí eile.

Gníomhaíocht Pholaitiúil:

Le linn théarma na fostaíochta, beidh an t-oifigeach faoi réir ag na rialacha lena rialaítear seirbhísigh phoiblí agus polaitíocht.

Tabhair faoi deara:

Mar Fhostóir Roghanna tá go leor beartas oibre solúbtha agus oiriúnach do theaghlaigh ag an Státseirbhís lena n-áirítear roinnt deiseanna le haghaidh cianoibre. Tabhair faoi deara, féadfaidh iarratasóirí rathúla deiseanna oibre solúbtha a iarraidh, áfach, is faoi rogha an fhostóra é seo agus déantar cinneadh de réir riachtanais ghnó na heagraíochta, agus ar bhonn cás ar chás.

Is ionann an méid thuas agus príomhchoinníollacha seirbhíse agus níl sé beartaithe le bheith ina liosta cuimsitheach de théarmaí agus coinníollacha uile na fostaíochta a leagfar amach sa chonradh fostaíochta a chomhaontófar leis an iarratasóir.

PRÓISEAS AN CHOMÓRTAIS

Conas iarratas a Chur Isteach

Ba cheart iarratais a chur isteach le ríomhphost chuig HR.Mailbox@dppireland.ie Ní mór gach cuid den fhoirm a chomhlánú ina hiomláine.

Ní ghlacfar le foirmeacha iarratais tar éis an dáta

dheiridh. Dáta Deiridh

Ní mór d'iarratas a chur isteach le ríomhphost chuig HR.Mailbox@dppireland.ie tráth nach déanaí ná **3:30 p.m., Dé hAoine an 02^ú Iúil 2021**. Mura bhfaigheann tú admháil go bhfuarthas d'iarratas laistigh de 24 huairé ón iarratas a chur isteach, déan teagmháil le: Claire Rush (087) 997 7540, Yvonne Corrigan (087) 227 5029 nó Joseph O'Connor (087) 719 6113 nó HR.Mailbox@dppireland.ie

Is dócha go reáchtálfar agallaimh le haghaidh na bpost seo i Mí Lúnasa 2021.

Tá an dualgas ar gach iarratasóir chun a áirithiú go bhfaigheann sé/sí gach cumarsáid ó Oifig an Stiúrthóra Ionchúiseamh Poiblí.

Ní ghlacann Oifig an Stiúrthóra Ionchúiseamh Poiblí le freagracht ar bith as cumarsáid nach ndéanann iarratasóir í a rochtain nó a fháil.

Ba cheart go mbeadh iarratasóirí ar fáil ar an dáta(na dátaí) atá sonraithe ag Oifig an Stiúrthóra Ionchúiseamh Poiblí agus ba cheart dóibh a áirithiú go bhfuil na sonraí teagmhála ar an bhfoirm iarratais ceart.

Próiseas Roghnúcháin

Ba cheart d'iarratasóirí machnamh cúramach a dhéanamh ar an bhfaisnéis a chuirtear ar fáil sa Leabhrán Faisnéise seo d'iarratasóirí a bhaineann leis an ról, go háirithe an creat inniúlachta in Aguisín 1. Is ar mhaithe le gach iarratasóir é a chinntiú go soláthraítear ar a f(h)oirm iarratais cuntas mionsonraithe agus cruinn ar thaithí, inniúlachtaí, éachtaí agus cáilíochtaí.

Breithneofar an fhaisnéis a chuirtear ar fáil san fhoirm iarratais sin le linn na gcéimeanna éagsúla den phróiseas roghnúcháin mar a leanas:

Incháilitheacht a Chinneadh

Seiceálfar iarratais chun a fháil amach ar comhlíonadh na riachtanais incháilitheachta atá leagtha amach sa Leabhrán Faisnéise d'iarratasóirí.

Gearrliostú

Glaofar ar líon iomchuí iarratasóirí chun agallaimh, ag féachaint don mhéid riachtanach den phainéal i gcomhthéacs an líon post a bhfuil súil leis a líonfar thar thréimhse an phainéil. Ceapfar Bord Gearrliosta, ar a mbeidh comhaltaí ó Oifig an Stiúrthóra Ionchúiseamh Poiblí agus ball seachtrach, chun gearrliosta a dhéanamh do na hiarratasóirí le cuireadh chun agallaimh

Agus cinneadh á dhéanamh aige maidir le hiarratasóirí a chur ar ghearrliosta, scrúdóidh an Bord Gearrliosta foirm iarratais an iarratasóra agus measúnóidh sé an t-ábhar seo i gcoinne na riachtanas don ról mar atá leagtha amach sa Leabhrán Faisnéise, agus sainaitheoidh sé na hiarratasóirí is fearr a léirigh gur chomhlíon siad na riachtanais don ról mar atá leagtha amach sa leabhrán faisnéise.

D'fhonn a bheith ar an ngearrliosta, beifear ag súil go mbeidh fianaise mhaith ann chun tacú le gach ceann de na hinniúlachtaí i.e.: -

- tá na samplaí a chuir an t-iarratasóirí ar aghaidh ar leibhéal iomchuí;

- tá fianaise ann maidir le rannchuidiú pearsanta sna samplaí a cuireadh ar fáil;

- léiríonn na samplaí fianaise ar go leor de na táscairí feidhmíochta éifeachtacha a aibhsíodh sna tuairiscí inniúlachta; agus
- léiríonn an t-iarratas tuiscint ar na dúshláin atá roimh an iarrthóir sa ról seo.

Agallamh

Ceapfar Bord Agallaimh, ar a mbeidh comhaltaí ó Oifig an Stiúrthóra Ionchúiseamh Poiblí agus ball seachtrach. Ag an agallamh, féadfaidh an Bord Agallaimh iarratasóirí a cheistiú faoina gcuid eolais agus taithí a bhaineann le haon cheann de na hinniúlachtaí nó na bunriachtanais mar atá leagtha amach sa Leabhrán Faisnéise agus faoi aon cheann de na samplaí a chuirtear ar fáil ina n-iarratas.

Mar gheall ar an bpaindéim COVID-19, déanfar agallaimh don chomórtas seo trí úsáid a bhaint as bogearraí físchomhdhála agus mairfidh siad thart ar 30 nóiméad.

Ba cheart go mbeadh iarratasóirí ar fáil ar an dáta(na dátaí) atá sonraithe ag Oifig an Stiúrthóra Ionchúiseamh Poiblí agus ba cheart dóibh a áirithiú go bhfuil na sonraí teagmhála ar an bhfoirm iarratais ceart

Bronnfar na marcanna a thaispeántar sa Leabhrán Faisnéise ar gach ceann de na hinniúlachtaí agus cuirfidh siad ábhar na foirme iarratais, an ráitis phearsanta agus an agallaimh san áireamh.

Níl sé i gceist an cur i láthair, an t-agallamh ná an fhoirm iarratais a scóráil ar leithligh le linn an phróisis roghnúcháin dheiridh.

Tabharfar an cur i láthair ag tús an agallaimh. Ní cheadófar d'iarratasóirí sleamhnáin a thaispeáint le linn an agallaimh ná smeach-chairt nó meán amhairc eile a úsáid.

An Scéim Mharcála

Déanfar gach iarrthóir a mheas faoi na cúig cheanteideal a thaispeántar sa tábla thíos. Bronnfar 50 marc ar a mhéad faoi gach ceanteideal. Agus marcanna á ndámhachtain, tabharfaidh an bord roghnúcháin aird ar leith ar ghnóthachtálacha a leagann iarratasóirí béim orthu agus a bhfuil baint shoiléir acu le tosaíochtaí na hOifige mar atá mínithe i Ráiteas Straitéise 2019 – 2021.

Inniúlacht	Marc
1. Eolas Speisialtóra Dlí, Saineolas agus Féinforbairt	50
2. Acmhainneacht Ceannaireachta	50
3. Anailísiú agus Cinnteoireacht	50
4. Bainistíocht agus Seachadadh Torthaí	50
5. Scileanna Idirphearsanta agus Cumarsáide	50

Cuirfidh an marc do gach inniúlacht ábhar na foirme iarratais, an ráitis phearsanta agus an agallaimh san áireamh.

Tá níos mó sonraí maidir leis na hinniúlachtaí atá á lorg agus maidir leis an Ráiteas Pearsanta le fáil in Aguisín 1. Agus samplaí á soláthar maidir le gach inniúlacht a liostaítear thuas ba cheart aird ar leith a thabhairt ar an gcur síos a thugtar in **Aguisín 1**.

Ar an bhfoirm iarratais cuirtear béim ar teorainneacha líon focal do na rannáin ar Inniúlachtaí agus ar an Ráiteas Pearsanta. Tá teorainn líon focal 300 ann maidir le gach Inniúlacht agus teorainn líon focal 500 ann don Ráiteas Pearsanta. Má sháraítear na teorainneacha focal in iarratas féadtar a mheas go bhfuil sé neamh-incháilithe le breithniú.

D'fhonn cáiliú, ní mór d'iarratasóirí leath na marcanna ar a laghad a fháil i ngach ceann de na hinniúlachtaí dá dtagraítear thuas.

Féadfaidh iarratasóirí tarraingt ar thaithí oibre ábhartha agus/nó eispéiris a fuarthas lasmuigh dá dtraithí oibre chun a gcumas nó a n-acmhainneacht a léiriú.

Poist atá ar Fáil

Cuirfear painéal le chéile tar éis an chomórtais seo óna bhféadfaí aon fholúntais mar Ionchúisitheoir a tharlaíonn laistigh de thréimhse 18 mí ó chur le chéile an phainéil a líonadh. Ní bhreithneofar iarratasóirí dá dtairgeadh post cheana féin (seachas post sealadach) ón gcomórtas seo le haghaidh folúntas amach anseo. Breithneofar iarratasóirí fós dá dtairgeadh post sealadach ón bhfeachtas seo maidir le poist bhuna amach anseo.

Rúndacht

Faoi réir ag forálacha an Achta um Shaoráil Faisnéise, 1997 agus 2003, caithfear le hiarratais faoi bhrí na mionn.

Imréiteach Slándála

Éileofar ort foirm Ghrinnfhiosrúcháin an Gharda Síochána a chomhlánú agus a chur ar ais dá mbreithneofaí tú le haghaidh ceapacháin. Seolfar an fhoirm sin chuig an nGarda Síochána le haghaidh seiceálacha slándála maidir le gach seoladh i bPoblacht na hÉireann agus i dTuaisceart Éireann ag a raibh tú i do chónaí. Mar sin féin, mura n-éireoidh le d'iarratas ar an gcomórtas scríosfaidh an Oifig an fhoirm seo. Má dhéantar machnamh ort ina dhiaidh sin ar phost eile, b'fhéidir go n-iarrfar ort mar sin Foirm um Ghrinnfhiosrúchán an Gharda Síochána a chomhlánú arís eile. Má chónaigh tú i dtíortha lasmuigh de Phoblacht na hÉireann ar feadh tréimhse 6 mhí nó níos mó, tá sé éigeantach duit Deimhniú Imréitigh Póilíní a sholáthar ó na tíortha sin ina luaitear nach bhfuil aon chiontuíthe taifeadta i do choinne agus tú i do chónaí ann. Beidh ort Deimhniú Imréitigh Póilíní ar leithligh a sholáthar do gach tír ina raibh cónaí ort. Caithfear dáta an imréitigh a bheith tar éis an dáta a d'fhág tú an tír. Ba chóir go mbeadh a fhios ag iarratasóirí gur féidir aon fhaisnéis a fhaightear i bpróiseas Grinnfhiosrúcháin an Gharda Síochána a chur ar fáil don údarás fostaíochta. Is ORTSA atá an fhreagracht imréitigh slándála a lorg go tráthúil mar is féidir leo roinnt ama a thógáil. Ní féidir tú a cheapadh gan an fhaisnéis sin a sholáthar agus a bheith in ord.

Teistiméireachtaí

Bheadh sé úsáideach dá dtosófa ag smaoineamh ar ainmneacha daoine a bheadh ina moltóirí oiriúnacha, d'fhostóir reatha san áireamh agus a bhféadfaimis dul i gcomhairle leo (3 ainm agus sonraí teagmhála). Ba cheart go mbeadh na moltóirí in ann faisnéis réasúnta le déanaí a sholáthar maidir le d'fheidhmíocht agus d'iompar i gcomhthéacs oibre. B'fhéidir gur mhaith leat moltóirí a roghnú a fhéadfaidh faisnéis den sórt sin a sholáthar ó pheirspictíochtaí difriúla nó i gcomhthéacsanna oibre éagsúla. Bí cinnte nach rachaimid i dteagmháil le moltóirí ach go díreach sula dtairgfear ceapachán duit, má thagann tú faoi bhreithniú le haghaidh ceapacháin.

Faisnéis thábhachtach eile

Ní bheidh Oifig an Stiúrthóra Ionchúiseamh Poiblí freagrach as aon chostais a aisíoc a thabhaíonn iarrthóirí.

Ní thugtar le tuiscint, trí dhuine a ghlacadh isteach i gcomórtas, nó trí chuireadh a thabhairt chun freastal ar agallamh, go bhfuil Oifig an Stiúrthóra Ionchúiseamh Poiblí sásta go gcomhlíonann a leithéid de dhuine ceanglais an chomórtais nó nach bhfuil sse/sí dícháilithe faoin dlí ón bpost a ghlacadh agus ní bhaineann aon ráthaíocht leis go mbreithneofar d'iarratas a thuilleadh. Tá sé tábhachtach, dá bhrí sin, go dtugann tú faoi deara go bhfuil an dualgas ortsa chun a áirithiú go gcomhlíonann tú na ceanglais cháilitheachta don chomórtas sula bhfreastalaíonn tú ar agallamh. Mura gcomhlíonann tú na ceanglais iontrála riachtanacha sin ach ina dhiaidh sin is uile freastalaíonn tú ar agallamh tabhóidh tú speansais neamhriachtanacha.

Roimh iarratasóir a cheapadh mar Ionchúisitheoir, déanfaidh Oifig an Stiúrthóra Ionchúiseamh Poiblí a leithéid d'fhiosrúcháin uile a mheastar riachtanach chun oiriúnacht an iarratasóra sin a chinneadh. Go dtí go ndéanfar gach céim den phróiseas earcaíochta a chríochnú ní féidir cinneadh deiridh a dhéanamh agus ní féidir a mheas nó a bhaint as ach oiread go ndearnadh a leithéid de chinneadh.

Dá ndéanfadh an duine a mholtar don cheapachán é a dhiúltú, nó tar éis dó/di é a ghlacadh, má éiríonn an duine as nó má thagann folúntas breise chun cinn d'fhéadfadh an Bord, faoina rogha féin, duine eile a roghnú agus a mholadh le haghaidh ceaptha ar thorthaí an phróisis roghnúcháin sin.

Ceartha Iarratasóirí - Nósanna Imeachta Athbhreithnithe maidir leis an bPróiseas Roghnúcháin

Breithneoidh Oifig an Stiúrthóra Ionchúiseamh Poiblí iarratais ar athbhreithniú i gcomhréir le forálacha na gcód cleachtais arna bhfoilsíú ag CCSP. Tá na Cóid Chleachtais ar fáil ar láithreán gréasáin [an Choimisiúin um Cheapacháin Seirbhíse Poiblí](http://www.cpsa.ie/) <http://www.cpsa.ie/>

Nuair a bhíonn iarratasóir míshásta le beart nó le cinneadh maidir le hiarratas, is féidir leis/léi athbhreithniú a iarraidh faoi Alt 7 den chód cleachtais.

- Ní mór don iarrthóir an imní atá air/uirthi faoin bpróiseas a chur in iúl i scríbhinn, agus an bunús le haghaidh an ghearáin á leagan amach, chuig an Oifigeach Pearsanra, Oifig an Stiúrthóra Ionchúiseamh Poiblí, ar an gcéad ásc. Ní mór gearán nó iarratas ar athbhreithniú a dhéanamh laistigh de 10 lá oibre ón bhfógra faoin gcinneadh tosaigh nó laistigh de 5 lá oibre ó thoradh chéim an athbhreithnithe neamhfhoirmiúil, má bhaintear leas as sin.
- Nuair a bhaineann an cinneadh atá á chur in iúl le céim eatramhach den phróiseas roghnúcháin, áfach, ní foláir nó go bhfaightear iarratas ar athbhreithniú laistigh de 4 lá oibre ó dháta fála an chinnidh nó laistigh de 2 lá oibre ó chinneadh a fháil faoin bpróiseas neamhfhoirmiúil; ní mór d'iarrthóirí a roghnaíonn chun leas a bhaint as an bpróiseas neamhfhoirmiúil sin a dhéanamh laistigh de 2 lá oibre ó chur in iúl an chinnidh dóibh.
- Ba cheart don athbhreithneoir tosaigh, agus an toradh á chur in iúl aige/aici don iarrthóir, rud a dhéanfar le tuarascáil i scríbhinn, a léiriú gur féidir leis an iarrthóir athbhreithniú breise a iarraidh tríd an t-ábhar a chur faoi bhráid an Eadránaí Cinntí agus nach mór iarratas chun sin a dhéanamh a dhéanamh laistigh de 7 lá oibre ó fháil thoradh an athbhreithnithe thosaigh.

Nuair a chreideann iarratasóir gur sháraigh gné den phróiseas cód cleachtais CCSP, is féidir leis/léi a iarraidh go ndéantar é a imscrúdú faoi Alt 8 den chód ag CCSP.

Oibleagáidí na nIarratasóirí

Ba cheart d'iarratasóirí a thabhairt faoi deara go ndéanfar canbhasáil iad a dhícháiliú agus go ndéanfar iad a fhágáil amach as an bpróiseas mar thoradh uirthi. Ní foláir nó nach ndéanann iarrthóirí na nithe leanas:

faisnéis bhréagach a sholáthar go feasach nó go meargánta canbhasáil a dhéanamh ar aon duine le nó gan aslach nó cur isteach ar an bpróiseas ar bhealach ar bith

Ní foláir nó nach ndéanann tríú páirtí iarratasóir a phearsanú ag céim ar bith den phróiseas.

Beidh aon duine a sháraíonn na forálacha thuas nó a chuidíonn le duine eile na forálacha thuas a shárú ciontach i gcion. Aon duine a fhaightear ciontach i gcion d'fhéadfaí fineáil/príosúnacht a ghearradh air/uirthi.

Sa bhreis air sin, má bhí an duine a fuarthas ciontach i gcion ina a (h)iarrthóir ag próiseas earcaíochta, nó más iarrthóir fós é/í, ansin:

- nuair nach ndearnadh é/í a cheapadh ar phost, dícháileofar é/í mar iarrthóir; agus
- Nuair a rinneadh é/í a cheapadh tar éis an phróisis earcaíochta atá i gceist, déanfaidh sé/sí an ceapachán sin a ghéilleadh.

Tarraingt siar iarrthóireachta a mheas

Maidir le hiarratasóirí nach bhfreastalaíonn ar agallamh nó ar thástáil eile ag an am agus ag an áit arna n-éileamh ag Oifig an Stiúrthóra Ionchúiseamh Poiblí, nó nach soláthraíonn a leithéid d'fhaisnéis, nuair is gá, a theastaíonn ó Oifig an Stiúrthóra Ionchúiseamh Poiblí maidir le hábhar atá ábhartha dá (h)iarrthóireacht, ní bheidh aon cheart eile acu ar bhreithniú.

Aiseolas

Soláthrófar aiseolas ach iarratas i scríbhinn a chur isteach.

Na hAchtanna um Chosaint Sonraí

Nuair a fhaightear d'fhoirm iarratais, cruthaímid taifead i d'ainm féin, ina mbíonn go leor den fhaisnéis phearsanta atá curtha ar fáil agat. Ní bhaintear úsáid as an taifead pearsanta sin ach amháin chun d'iarrthóireacht a phróiseáil. Tá a leithéid d'fhaisnéis a choimeádtar faoi réir ag cearta agus dualgais atá leagtha amach sna hAchtanna um Chosaint Sonraí Chun iarratas a dhéanamh faoi na hAchtanna um Chosaint Sonraí, cuir d'iarratas i scríbhinn isteach chuig: **An Comhordaitheoir um Chosaint Sonraí, Oifig an Stiúrthóra Ionchúiseamh Poiblí, Bóthar na hOtharlainne, Baile Átha Cliath 7**, ag cinntiú go gcuireann tú síos ar na taifid arna n-iarraidh agat chomh mionsonraithe agus is féidir ionas go gcuirfear ar ár gcumas an taifead ábhartha a shainaithint.

Aguisín 1: Inniúlachtaí agus Ráiteas Pearsanta

Beidh an t-eolas, an taithí, an scil, an gnóthachtáil nó an inniúlacht ábhartha ag an iarratasóir rathúil a léiríonn go soiléir a oiriúnacht chun freastal ar dhúshláin lonchúisitheoirí in Oifig an Stúirthóra Ionchúiseamh Poiblí.

Eolas Speisialtóra Dlí, Saineolas agus Féinforbairt
<ul style="list-style-type: none">• Eolas den scoth ar Chleachtas Coiriúil agus Prionsabail Ionchúisimh• Coinníonn sé suas chun dáta le beartais náisiúnta agus idirnáisiúnta um cheartas coiriúil a théann i bhfeidhm ar an ról nó a d'fhéadfadh dul i bhfeidhm air• Coinníonn sé fócas láidir ar fhéinforbairt, ag lorg aiseolais agus deiseanna chun fáis• Roinneann sé nó sí eolas agus cuireann sé nó sí le forbairt fios gnó dlíthiúil
Acmhainneacht Ceannaireachta
<ul style="list-style-type: none">• Tá sé nó sí solúbtha agus toilteanach chun oiriúnaithe, ag cur go dearfach le cur i bhfeidhm an athraithe• Cuireann sé nó sí le forbairt beartas ina réimse féin agus san Oifig níos leithne• Féachann sé nó sí le tuiscint a fháil ar na himpleachtaí a bhaineann le seasamh áirithe a ghlacadh ar shaincheisteanna agus conas is gá aghaidh a thabhairt ar idirspleáchas ar bhealach loighciúil agus comhsheasmhach• Uasmhéadaíonn sé nó sí rannchuidiú na foirne, déanann sé nó sí úinéireacht a spreagadh, tacaíocht a sholáthar agus oibríonn sé nó sí go héifeachtach le daoine eile• Cruthaíonn sé peirspictíocht ar shaincheisteanna a mheastar a bheith tábhachtach agus rannchuidíonn sé nó sí go gníomhach thar raon suíomhanna
Anailísiú agus Cinnteoireacht
<ul style="list-style-type: none">• Déanann sé nó sí taighde críochnúil ar shaincheisteanna, ag dul i gcomhairle go cuí d'fhonn an faisnéis uile a theastaíonn ar shaincheist a bhailiú• Comhtháthaíonn sé nó sí snáitheanna éagsúla faisnéise, ag aithint idirghaolta agus naisc• Déanann sé nó sí cinntí soiléire, tráthúla agus bunaithe ar shaincheisteanna tábhachtacha• Breithníonn sé nó sí na himpleachtaí níos leithne a bhaineann le cinntí ar raon páirtithe leasmhara
Bainistíocht agus Seachadadh Torthaí
<ul style="list-style-type: none">• Glacann sé nó sí freagracht as tascanna dúshlánacha agus seachadann sé nó sí iad in am agus ar ardchaighdeán• Déanann sé nó sí obair a phleanáil agus a chur in ord tosaíochta i dtéarmaí tábhachta, scálaí ama agus srianta eile acmhainní, ag tabhairt tosaíochta arís i bhfianaise cúinsí athraitheacha• Breathnaíonn sé nó sí go criticiúil ar shaincheisteanna le feiceáil conas is féidir rudaí a dhéanamh níos fearr• Bainistíonn sé nó sí tionscadail iolracha go héifeachtach
Scileanna Idirphearsanta agus Cumarsáide
<ul style="list-style-type: none">• Déanann sé nó sí faisnéis a chur i láthair ar bhealach muiníneach, loighciúil agus áititheach ó bhéal agus i scríbhinn• Spreagann sé nó sí plé oscailte agus cuiditheach ar shaincheisteanna oibre• Coinníonn sé guaim agus smacht air féin nó uirthi féin agus iad ag obair chun tionchar a imirt ar dhaoine eile• Cuireann sé fócas láidir ar sheirbhís do Chustaiméirí ina réimse féin

Ráiteas Pearsanta

Ba cheart an Ráiteas Pearsanta a úsáid chun príomhghnóthachtálacha ábhartha uile an iarratasóra a tharraingt le chéile mar thacaíocht do chuspóirí na hOifige agus chun aird a tharraingt ar na buanna a thabharfadh sé nó sí don phost agus ar an bhfáth go measann sé nó sí gur cheart é nó í a roghnú.